

Te āwhina i a koe ki te pōti i tēnei pōtitanga

- E rārangi ana ngā kaitono ki te pepa pōti i raro i ngā pōtitanga e tū ana rātau.
- Kua whakaritea e mātou he tūtohi ā-tae ki te tuhinga pōti me tēnei pukapuka kiwhaiaro hei āwhina i a koe kia hāngai ki ngā pōtitanga me ngā kiwhaiaro kaitono.
- Kei roto pea i tēnei puka iti ko ētahi atu pōtitanga kāore i te hāngai ki a koe.

Ka whakatau tikanga ngā kaitono angitu ka whai pānga ki a tātou i ia rā. Ka kite koe i ēnei tūrangā katoa, ētahi noa iho rānei, i runga i tō pepa pōti:

- Ko te **Koromautua (Mayor)** te kaiārahi o te Kaunihera ā-Tāone, ā-Takiwā rānei.
- Ka whakarato te **Kaunihera ā-Tāone, ā-Takiwā (City or District Council)** rānei i te whānuitanga o ngā ratonga me ngā whakaurunga paetata ki te hapori. Ka tuku whakatau ngā Kaunihera hei whakapai ake i te oranga hapori, tae atu ki ngā hanganga matua (hei tauira, te ratonga wai, pūnaha parakaingaki, rori) ngā waeture ā-rohe, whakaurunga whakangahau, ngā pāka, ngā take whakamahere, waihanga hoki. Ka pōtihia 'whānuitia' pea te Kaunihera, ka wehea rānei ki ngā rohe pōti (tae atu ki te rohe pōti whānui, Māori rānei).
- Kei te **Kaunihera ā-Rohe (Regional Council)** ngā whakatau mō ngā whakahaere ka whakaratoa ā-rohetia pērā i te whakahaere rawa māori (hei tauira, te mauri o te wai, te toha wai, whenua me te oneone, te whakamahere takutai, te whakahaere tarutaru me te kīrearea), tūnuku ā-rohe, te whakamaru ohotata me te whakahaere ohotata. Ka whakahaerehia e ngā Mana Whakatōpū (Unitary Authorities) ngā mahinga a ngā Kaunihera ā-Tāone, ā-Takiwā rānei me ngā Kaunihera ā-Rohe. Ka wehea ngā kaunihera ā-rohe ki ngā rohe pōti (ko te rohe pōti whānui pea, Māori rānei).
- Ko tā te **Poari Hapori (Community Board)** he ārahi ki te whakamana i ngā hapori me te whakatau tikanga mō ngā take ā-rohe pea, te tohutohu rānei me pēhea te whakapau a te Kaunihera i ngā pūtea ki ngā ratonga ā-rohe. Tērā pea ka wehea ngā Poari Hapori ki ngā rohe pōti whāiti.
- Ko te mahi a te **Tarahiti Tuku Raihana (Licensing Trust)** he hoko waipiro tika i roto i te rohe tarahiti me te whakarite me pēhea te whakahoki i ngā toenga pūtea ki te hapori. Ka tautoko te hapori me ētahi atu Tarahiti i ngā mahi kaupapa aroha. Ka wehea pea ngā Tarahiti Tuku Raihana ki ngā rohe pōti.
- Kei runga anō pea te **Pōti, Tāpaetanga Pōti rānei** i tō pepa pōti. Ka āwhina tō pōti i roto i tēnei i te Kaunihera ki te tuku whakatau mō ngā take e whakaaroarohia ana.

Ngā rā hira mō tēnei pōtitanga



Me heri atu

ki tētahi pouaka pōti i ngā wāhi kua tipakohia i mua i te katinga o ngā pōti - mō ngā wāhi pouaka pōti tirohia tō mōki pōti, haere rānei ki te paetukutuku a tō Kaunihera. tērā rānei



Whakahokia

mā te kōpaki koreutu i mua o te **Tūrei, 7 o Oketopa 2025.**



Ka kati te pōtitanga ā te 12pm, te Poupoutanga o te Rā, Rāhoroi, te 11 o Oketopa 2025

Kei te hiahia āwhina atu anō? Ka āhei koe ki te tonono ki tētahi tangata hei āwhina i a koe ki te māka i te pepa mēnā he uaua tō kite, pānui, tuhi rānei, he uaua rānei ki a koe te kōrero Pākehā. Mēnā kāore i te mārāma ki a koe me aha, i hapa rānei koe kāore nei i te mārāma tō whakatika, me whakapā atu ki te āpiha pōti mā te nama kei te pepa pōti.